

千金方

三

卷之三

求子 養胎 產難 逆生 下乳

胎前諸病 子死胎中 胞胎不出


婦人方凡二十一類

中武9  
175  
3





婦人方  
 論曰婦人  
 婦人之病比之男子十合  
 居十四已下陰氣虛  
 留前此本方  
 感虛言交結  
 方  
 夫天  
 投



明中武  
冊 175  
卷 3

篤信堂



篤信堂

孫真人備急千金要方卷之二

投四

宋朝奉郎守太常少卿充秘閣校理林億等校正

婦人方

求子第一論方灸法 轉女為男法

論曰夫婦人之別有方者以其胎妊生產崩傷之異故也是以婦人之病比之男子十倍難療經言婦人者衆陰所集常與濕居十四已上陰氣浮溢百想經心內傷五臟外損姿顏月水去留前後交互瘀血停凝中道斷絕其中傷墮不可具論生熟五臟虛實交錯惡血內漏氣脉損竭或飲食無度損傷非一或瘡癩未愈便合陰陽或便利於懸廁之上風從下入便成十二癩

外宜至其下有血氣不調四字玉函疏例出之

外宜至四下有歲字聖惠方作十五玉函

聖惠方血生氣三字外其主作矣能五元玉作三玉瘡瘵作胎瘡

五瘵見卷七

外垢下有孕

元子下有習字

周礼九嬪士等妇字之法以殷九御少德旺言妇容妇功後後論九嬪掌教四德班女誡女有五行解珠

疾所以婦人別立方也若是四時節氣為病虛實冷熱為患者故與丈夫同也惟懷胎妊而挾病者避其毒藥耳其雜病與丈夫同則散在諸卷中可得而知也然而女人嗜慾多於丈夫感病倍於男子加以慈戀愛憎嫉妬憂患染著堅牢情不自抑所以為病根深瘡之難瘥故養生之家特須教子女學此二卷婦人方論其精曉即於倉卒之秋何憂畏也夫四德者女子立身之樞機產育者婦人性命之長務若不通明於此則何以免於夭枉者哉故傳母之徒亦不可不學常宜繕寫一本懷挾隨身以防不虞也

論曰人之情性皆願賢已而疾不及人至於學問則隨情逐物

外其大全良方楷作各

問按子休瘵死星之說詳見五行大要文繁說不記

墮於事業詎肯專一推求至理莫不虛棄光陰沒齒無聞夫婚姻養育者人倫之本主化之基聖人設教備論厥旨後生竟能精曉臨事之日惜爾若愚是則徒願賢已而疾不及人之謬也斯實不達賢已之趣而妄徇虛聲以終無用今具述求子之法以貽後嗣同志之士或可覽焉

論曰夫欲求子者當先知夫妻本命五行相生及與德合并本命不在子休廢死墓中者則求子必得若其本命五行相剋及與刑殺衝破并在子休廢死墓中者則求子了不可得慎無措意縱或得者於後終亦累人若其相生并遇福德者仍須依法如方避諸禁忌則所誕兒子盡善盡美難以具陳

禁忌法受胎時日推王相

貫宿山法在  
二十七卷中

論曰凡人無子當為夫妻俱有五勞七傷虛羸百病所致故有  
絕嗣之患夫治之之法男服七子散女服紫石門冬圓及坐藥  
盤胞湯無不有子也

七子散治丈夫風虛目暗精氣衰少無子補不足方

- 五味子 鍾乳粉 牡荊子 菟絲子 車前子
- 蘇藹子 石斛 乾地黄 薯蕷 杜仲
- 鹿茸 遠志各八銖 附子 蛇床子 芎藭各六銖
- 山茱萸 天雄外作方 人參 茯苓 黃耆
- 牛膝各五銖 桂心十銖 菴蓉十一銖 巴戟天十二銖

右二十四味治下篩酒服方寸七日不知增至二十七日以知  
為度禁如藥法不能酒者蜜和圓服亦得一方加覆盆子八  
銖求子法一依後房中篇

朴硝湯治婦人立身已來全不產及斷緒久不產三十年  
者方

- 朴硝 牡丹 當歸 大黃 桃仁生用各
- 厚朴 桔梗 人參 赤芍藥 茯苓
- 桂心 甘草 牛膝 橘皮各二銖 附子六銖
- 蜜蟲 水蛭各十枚

右十七味以清酒五升水五升合煮取三升分四服日

母所緒絕緒也後漢  
張衡思去 注絕言  
無後也  
子温云因產惡露不止  
所緒產道也見經絡  
中入內  
元有細字

元正作三

三四方大生良方作三  
其朱莫

三夜一每服相去三時更服如常覆被取少汗汗不出及自  
著火籠之必下積血及冷赤膿如赤小豆汁本為婦人子宮  
內有此惡物使然或天陰臍下痛或月水不調為有冷血不  
受胎若斟酌下盡氣力弱大困不堪更服亦可一二服即止  
如大悶不堪可食酢飯冷漿一口即止然恐去惡物不盡不  
大得藥力若能忍服盡大好下日後仍著導藥用桔梗其真  
治全不產及斷緒服前朴硝湯後著坐導藥方

- 皂莢 山茱萸千金翼 當歸各一兩
- 細辛 五味子 乾姜各貳兩 大黃
- 樊石 戎塩 蜀椒各半兩

元即止倒

右十味為末以絹袋盛大如指長三寸盛藥合滿內婦人陰  
中坐卧任意勿行走急小便時去之更安新者下日一度必  
下青黃冷汁汁盡即止可幸御自有子若未見病出亦可至  
十日安之一本別有葶塵砒霜各半兩此藥為服朴硝湯恐  
去冷惡物出不盡以導藥下之值天陰冷不疼不須著導藥  
亦有著鹽為導藥者然不如此藥其服朴硝湯後即安導藥  
經下日外服紫石門冬丸

- 紫石門冬圓治全不產及斷緒方
- 紫石英 天門冬各二兩 當歸 芎藭
- 紫葳 卷柏 桂心 烏頭 乾地黄

元四作凡  
元正作三

正增作漸

千金方

卷二

四

牡蒙千金翼作牡荆 禹餘糧 石斛 辛夷各二兩

人參 桑寄生 續斷 細辛 厚朴

乾薑 食茱萸 牡丹 牛膝各三 柏子仁一兩

薯蕷 烏賊骨 甘草各一兩

右二十六味為末蜜和丸如梧桐子大酒服十九日三漸增

至二十九丸以腹中熱為度不禁房室夫行不在不可服禁如

藥法比來服者不至靈劑即有娠

白薇圓主合婦人有子方

白薇 細辛 防風 人參 秦椒

白欝一云白芷 桂心 牛膝 秦朮 蕪荑

元作桃仁此亦石英  
各一兩半有鍾乳  
真地黃白石英各  
三兩

据下帳作後

元正相魚

沙參 芍藥 五味子 白殭蠶 牡丹

蟾蜍各一兩 乾漆 栝子仁 乾薑

卷栢 附子 芎藭各三 桃仁 紫石英各二

鼠婦兩半 水蛭 蟲蟲各十 吳茱萸十八

麻布叩帳頭一尺

右三十一味為末蜜和丸如梧桐子大酒服十五丸日再稍

加至三十九丸當有所去小覺有異即停服

又方治久無子或斷緒上熱下冷百病皆治之方

白薇 乾地黃 乾薑 車前子 蜀椒各十

紫石英 藁本 石膏 菴藺子 卷栢各十

千金方

卷二

五

却實

澤蘭 赤石脂 白龍骨 遠志 麥門冬

茯苓 太乙餘糧各二兩 當歸 芎藭 蛇床子各二兩

白芷 覆盆子 桃仁 人參各一兩半 桂心

蒲黃各二兩半 細辛 二兩 橘皮 半兩

右二十八味為末蜜和丸如梧子大酒服十五丸日再漸增以知為度亦可至五十九慎猪鷄生冷酢滑魚蒜驢馬牛肉等覺有娠即停三月正擇食時可食牛肝及心至四月五月不須但不可故殺念子短壽遇得者大良  
金城太守白薇圓治月水不利閉塞絕產十八年服此藥二十日有子方

須右名致引辨  
色豆成云扶食  
和名豆使利  
酒源云無一名扶  
食

白薇 細辛各三兩 人參 杜蘅古今錄實  
用牡蠣

牡蒙 厚朴 半夏 白殭蠶 當歸

紫苑各十兩 牛膝 沙參 乾薑 秦艽各半兩

蜀椒 附子 防風各一兩半

右十七味為末蜜和丸如梧子大先食服三丸不知稍增至四五丸此藥不可長服覺有娠即止用之大驗崔氏有桔梗丹卷十八錄

論曰古者求子多用慶雲散承澤圓今代人絕不用此雖未試驗其法可重故述之  
慶雲散治丈夫陽氣不足不能施化無成方

覆盆子 五味子各一升 菟絲子二升 天雄 一兩

元化下有施化三字

正務作可



正者作寒

三十六症見卷七

胃服上有酒

元正百千作者

元正納作內

千金方

卷二

六

三百七十四

石斛

白木各三兩 桑寄生四兩

天門冬九兩 紫石英一兩

右九味治下飾酒服方寸匕先食服日三素不耐冷者生加細辛四兩陽氣不少而無子者去石斛加檳榔十五枚

承澤圓治婦人下焦三十六疾不孕絕產方

梅核仁

辛夷各一升

葛上亭長七枚

溲疏三兩

藁本一兩

澤蘭子五合

右六味為末蜜和丸如大豆先食服二九日三不知稍增若

腹中無堅癖積聚者去亭長加通草一兩惡甘草和藥先以

苦酒搜散乃納少蜜和為丸

大黃圓治帶下百病無子服藥十日下血二十日下長蟲及青

正升作升

黃汁三十日病除五十日肥白方

大黃

破如米豆熬令黑

柴胡

朴硝

乾薑各一

芎藭

五兩

蜀椒二兩

茯苓

如鷄子

大九枚

右七味為末蜜和丸如梧桐子大先食服七丸米飲下加至

十丸以知為度五日微下

吉祥圓治女人積年不孕方

天麻

柳絮

牡丹

茯苓

乾地黄

桂心

各一兩

五味子

桃花

白木

芎藭

各一兩

覆盆子

斗桃仁

一百枚

菟絲子

楮實子

各一升

右十四味為末蜜和丸如豆大每服空心飲苦酒下五丸日

御願三百六十六

中一服晚一服

硝石大黃圓治十一癥瘕及婦人帶下絕產無子并服寒食藥而腹中有癥者當先服大丸下之乃服寒食藥不下水秦椒圓治婦人絕產生來未產盪滌腑臟使至閉受子精

- 秦椒 天雄各十 玄參 人參 白欬
- 鼠婦 白芷 黃耆 桔梗 露蜂房
- 白殭蠶 桃仁 蟻螯 白薇 細辛
- 蕪荑各一 牡蒙 沙參 防風 甘草
- 牡丹皮 牛膝 卷柏 五味子 芍藥
- 桂心 大黃 石斛 白朮各三 栢子仁

元正復作獲

正之女子血

正宮九作若

千金翼曰胞衣不出  
或腹中或腹中積聚  
新胎內

茯苓 當歸

乾薑各一 澤蘭

乾地黄

芎藭各一 兩

乾漆

白石英

附子各二

紫石英二兩

鍾乳二兩

水蛭七十

蜜蟲一百

麻布叩復頭七尺

右四十四味為末蜜丸如梧子大酒服十九日再稍加至二十九若有所去如豆汁鼻涕此是病出覺有異即停

灸法

婦人絕子灸然谷五十壯在內踝前直下一寸婦人絕嗣不生胞門閉塞灸關元三十壯報之婦人姪子不成若墮落腹痛漏見赤灸胞門五十壯在關元左

元左作石

泉內即姪脈

良方大王而作遇

邊二寸是也左邊二寸名子戶  
 婦人絕嗣不生灸氣門穴在關元傍三寸各百壯  
 婦人子藏閉塞不受精疼灸胞門五十壯  
 婦人絕嗣不生漏赤白灸泉門十壯三報穴在橫骨當陰上際  
 論曰陰陽調和二氣相感陽施陰化是以有娠而三陰所會則  
 多生女但姪娠二月名曰始膏精氣成於胞裏至於三月名曰  
 始胎血脉不流形象而變未有定儀見物而化是時男女未分  
 故未滿三月者可服藥方術轉之令生男也  
 丹參圓治婦人始覺有娠養胎并轉女為男方

丹參

續斷

芍藥

白膠

白朮

栢子仁

甘草

人參

芎藭

乾薑

吳茱萸

橘皮

當歸

白芷

冠纓

乾地黄

蕪荑

犬卵

東門上雄雞頭

右十九味為末蜜和丸如梧子犬酒服十九日再稍加至二十  
 十九

十九

又方取原蠶屎

十枚

井花水服之日三

又方取弓弩弦一枚

絳囊盛帶婦人左臂下法以繫腰下蒲白

日去之

又方取雄黃一兩絳囊盛帶之要女者帶雌黃

元十作一

正四生元

三百三末

又方以芥一柄於產婦卧牀下置之仍繫刃向下勿令人知如不信者待雞抱卵時依此置於窠下一窠兒子盡為雄也

妊娠惡阻第二

論曰何以知婦人妊娠脉平而虛者孔子法也經云陰搏陽別謂之有子此是血氣和調陽施陰化也診其手少陰脉動甚者妊子也少陰心脉也心主血脉又腎名胞門子戶尺中腎脉也尺中之脉按之不絕法妊娠也三部脉沉浮正等按之無絕者有娠也妊娠初時寸微小呼吸五至三月而尺數也妊娠四月欲知男女者左疾為男右疾為女左右俱疾為產二子又法左手沈實右手浮大為女左右手俱沈實復生一男俱浮大復生

一首作者  
元正如元脉至病  
源

離經蓋但離於  
經之脈也原  
其所以離經三  
是此

二女尺脉若左偏大為男右偏大為女左右俱大產二子大者如實狀又法左手尺中浮大者男右手尺中沈細者女若來而斷絕者月水不利又法左右尺俱浮為產二男不然女作男生俱沉為產二女不爾男作女生又法得太陰脉為男得太陽脉為女太陰脉沉太陽脉浮又法入面南行還復呼之左迴首者是男右迴首者是女又看上圍如時夫從後急呼之左迴首者是男右迴首者是女又婦人妊娠其夫左乳房有核是男右乳房有核是女如妊娠欲知將產者懷妊離經其脉浮設腹痛引腰脊為今出也但離經者不病也又法欲生其脉離經夜半覺痛日中則生也論曰凡婦人虛羸血氣不足腎氣又弱或當風飲冷太過心下

有淡水者欲有胎而喜病阻所謂欲有胎者其人月水尚來顏色肌膚如常但苦沈重憤悶不欲飲食又不知其患所在脉理順時平和則是欲有妊也如此經二月日後便覺不通則結胎也阻病者患心中憤憤頭重眼眩四肢沈重懈惰不欲執作惡聞食氣欲噉鹹酸果實多卧少起世謂惡食其至三四月日已上皆大劇吐逆不能自勝舉也此由經血既閉水漬於藏藏氣不宜通故心煩憤悶氣逆而嘔吐也血脉不通經絡否澁則四肢沈重挾風則頭自眩也覺如此候者便宜服半夏茯苓湯數劑後將茯苓丸淡水消除便欲食也既得食力體強氣盛力足養胎母便健矣古今治阻病方有十數首不問虛實冷熱長少

大全空作虛  
外聖云雀氏羊集  
茯苓湯方量以六  
銖為一兩

胎死者活於此方半夏茯苓湯

治妊娠阻病心中憤悶空煩吐逆惡聞食氣頭眩體重四肢白節移煩沉重多卧少起惡寒汗出疲極黃瘦方

- 半夏 各三銖
- 乾地黃 各三銖
- 茯苓 各三銖
- 橘皮 各三銖
- 旋復花 兩外
- 細辛 人參
- 芍藥 芎藭
- 桔梗 甘草 各十銖

右十二味以水一斗煮取三升分三服若病阻積月日不得治及服藥冷熱失候病變客熱煩渴口生瘡者去橘皮細辛加前胡知母各十二銖若變冷下痢者去乾地黃入桂心十二銖若食少胃中虛生熱大便閉塞小便赤少者宜加

元使作服產經作時  
外扭下有更

外邦作重

外按是二兩餘系二兩

千金方

卷二

大黃十八銖去地黃加黃芩六銖餘依方服一劑得下後消  
息看氣力冷熱增損方調定更服一劑湯便急使茯苓丸令  
能食便強健也忌生冷醋滑油膩菘菜海藻  
茯苓圓治妊娠阻病患心中煩悶頭眩重憎聞飲食氣便嘔逆  
吐悶顛倒四肢垂弱不自勝持服之即效要先服半夏茯苓湯  
兩劑後可服此方

茯苓 人參 桂心 乾薑 半夏  
橘皮 兩各一 白朮 葛根 甘草 枳實 各二  
右十味為末蜜和為丸如梧子飲服二十九漸加至二十九  
日三劑後不用乾薑半夏橘皮白朮葛根  
只五味又云妊娠忌桂故藪

產經名何如陽  
驗集

驗集

治妊娠惡阻嘔吐不下食方

青竹茹 橘皮 各十銖 茯苓 五兩外  
右五味以水六升煮取二升半分三服不瘥頻作  
橘皮湯治妊娠嘔吐不下食方

橘皮 竹茹 人參 白朮 生薑  
厚朴 十二銖 各十銖 各十銖 一兩

右六味以水七升煮取二升半分三服不瘥重作

養胎第三論 逐月養胎 禁忌

論曰舊說凡受胎三月逐物變化稟質未定故妊娠三月欲得  
觀犀象猛獸珠玉寶物欲得見賢人君子盛德太師觀禮樂鐘

之玉当作工任 胎胎  
詳見列何列女值實  
誦新書大戴禮

源病

鼓俎豆軍旅陳設焚燒名香口誦詩書古今箴誠居處簡靜  
不正不食席不正不坐彈琴瑟調心神和情性節嗜慾庶事清  
淨生子皆良長壽忠孝仁義聰慧無疾斯蓋文王胎教者也  
論曰見在胎日月未滿陰陽未備腑臟骨節皆未成足故自初  
迄于將產飲食居處皆有禁忌

外合子二字無

- 妊娠食羊肝合子多厄食山羊肉合子多病
- 妊娠食驢馬肉合子延月食驢肉產難
- 妊娠食兔肉太肉合子無音聲并缺脣
- 妊娠食雞肉糯米合子多寸白蟲
- 妊娠食雞子及乾鯉魚合子多瘡

元短項倒

外胎作產

病源胎作形於良方  
作胚  
良方才作總正字通才  
發通用病源正作良

- 妊娠食椹并鴨子合子倒出心寒
- 妊娠食雀肉并豆醬合子滿面多黧黑子
- 妊娠食雀肉飲酒合子心淫情亂不畏羞恥
- 妊娠食蠶合子短項
- 妊娠食冰漿絕胎
- 妊娠勿向非常地大小便必半產殺人

徐之才逐月養胎方

妊娠一月名始胎飲食精熟酸美受御宜食大麥毋食腥辛是  
謂和正  
妊娠一月足厥陰脉養不可針灸其經足厥陰內屬於肝肝主

陳云錦

筋及血一月之時血行不澀不為力事寢必安靜無令恐畏  
妊娠一月陰陽新合為胎寒多為痛熱多卒驚舉重腰痛腹滿  
胞急卒有所下當預安之宜服  
烏雌雞湯方

烏雌雞一隻治如食法 茯苓 阿膠各二兩 吳茱萸一升

麥門冬五合 人參 芍藥 白朮各三兩

甘草 生薑各一兩

右十味咬咀以水一斗二升煮雞取汁六升去雞下藥煎取  
三升內酒三升并膠烱盡取三升放溫每服一升日三  
補胎湯若曾傷一月胎者當預服此方

細辛一兩 防風二兩 乾地黄 白朮各二兩

生薑四兩 吳茱萸 大麥各五合 烏梅一升

右八味咬咀以水七升煮取二升半分三服先食服寒多者  
倍細辛茱萸熱多渴者去之加枯薑根二兩若有所思失天  
麥加栢子人三合一方有人參一兩

妊娠二月名始膏無食辛臊居必靜處男子勿勞百節皆痛是  
為胎始結

妊娠二月足少陽脉養不可針灸其經足少陽內屬於膽主精  
二月之時兒精成於胞裏當慎護驚動也  
妊娠二月始陰陽踞經有寒多壞不成有熱即萎悴中風寒有

病原解作腥  
病原胎始結作始藏

外胆下有胆

胎經一月為經三月為血  
胎經斷作居  
外梓作辛大至同



外丹參三兩外五味各  
二兩生薑一兩大棗五枚  
其草六兩

所動搖心滿臍下懸急腰背強痛卒有所下乍寒乍熱宜服  
艾葉湯方

艾葉

丹參 補心生血至勝

當歸

麻黃各二兩

人參

阿膠各三兩

甘草四分

生薑六兩

大棗十二枚

右九味咬咀以酒三升水一斗者減半去滓內膠煎取三升  
分三服一方用烏雌雞一隻宿肥者治如食法割頭取血內  
三升酒中相和次以水一斗二升先者取汁去雞內藥煎取  
三升內血酒并膠煎取三升分溫三服

黃連湯若曾傷二月胎者當預服此方

黃連

人參各一兩

吳茱萸五合

生薑三兩

外丹參大至元板胎作胎

生地黃 五兩一方用阿膠  
右五味咬咀以酢漿七升煮取三升分四服日三夜一十日  
一修人若頗覺不安加烏梅一升加烏梅者不用漿直用水耳  
一方用當歸半兩

妊娠三月名始胞當此之時未有定儀見物而化欲生男者操  
弓矢欲生女者弄珠璣欲子美好數視璧玉欲子賢良端坐清  
虛是謂外象而內感者也

妊娠三月手心主脉養不可針灸其經手心主內屬於心無悲  
哀思慮驚動

妊娠三月為定形有寒太便青有熱小便難不赤即黃卒驚恐

正心作動

外正若作苦北月下石  
痛在至五

憂愁嗔怒喜頓仆動於經脈腹滿繞臍若痛或腰背卒有所下  
雄雞湯方

雄雞一隻治黃芩

麥門冬五合芍藥四兩

人參 茯苓

白朮

大棗十二枚

阿膠各二兩

生薑各一兩

甘草

右十一味以水一斗三升煮雞減半出雞肉藥煮取半

內清酒三升并膠煎取三升分二服一日令盡當溫卧一方

用當歸芎藭各二兩不用黃芩生薑

○ 茯苓湯若曾傷三月胎者當預服此方

茯苓

丹參

龍骨各一兩 阿膠

當歸

外正至至三作五  
外元大至三作三

外盛盛作成

病原輸作屬

元温、作温、  
外月下有為離廷三字  
大至平下有中字  
正頭作頓

甘草

人參各二兩

大棗二十枚

赤小豆二十枚

右九味以酢漿一斗煮取三升分四服先食服七日後服

一劑腰痛者加桑寄生二兩深師有薤白二兩麻子一升

妊娠四月始受水精以成血脉食宜稻稷菘宜魚鴈是謂盛血

氣以通耳目而行經絡

妊娠四月手少陽脉養不可針灸其經手少陽內輸三焦四月

之時兒六腑順成當靜形體和心志節飲食

妊娠四月有寒心下温温欲嘔胃膈滿不欲食有熱小便難數

數如淋狀臍下苦急卒風寒頸項強痛寒熱或驚動身軀腰背

腹痛往來有時胎上迫胃心煩不得安卒有所下

菊花湯方

菊花雞子大一枚 麥門冬一升 大棗十二枚 人參一两 甘草  
 當歸各二兩 麻黃 阿膠各三兩 半夏四兩 生薑五兩  
 右十味，以水八升，煮減半，內清酒三升，煎取二升，分二服，溫臥，當汗，以粉粉之，護風寒，四五日，一方用烏雌雞一隻，煮水煎藥。

調中湯方，若曾傷四月胎者，當預服此方。

白芍藥 生薑各四兩 厚朴 枳實  
 生李根白皮 白朮 柴胡各二兩  
 續斷 芎藭 甘草各一两 當歸一两 烏梅一升

元二作三

病源林海院不作為院服

右十二味，以水一斗，煮取三升，分四服，日三夜一，八日後復服。

妊娠五月始受火精，以成其氣，臥必晏起，沐浴浣衣，深其居處，厚其衣服，朝吸天光，以避寒殃，其食稻麥，其羹牛羊，和以菜蔬，調以五味，是謂養氣以定五臟。

妊娠五月，足太陰脉養，不可針灸，其經足太陰，內輸於脾，五月之時，兒四肢皆成，無大饑，無甚飽，無食乾燥，無自炙熱，無大勞倦。

妊娠五月，有熱苦頭眩，心亂嘔吐，有寒苦腹滿，痛小便數，卒有恐怖，四肢疼痛，寒熱胎動，常處腹痛，悶頓欲仆，卒有所下。

外月下有毛髮初生，四子

李常

阿膠湯主之方

阿膠四兩 人參一兩 生薑六兩 當歸 芍藥

甘草 黃芩各二兩 旋復花二兩 吳茱萸七兩 麥門冬一升

右十味以水九升者藥減半內清酒三升并膠微火煎取三升半分四服日三夜一先食服便愈不瘥再服一丸用烏雌雞一隻割取咽血內酒中以水煮雞以前藥減半內酒并膠前取三升半分四服

安中湯曾傷五月胎者當預服此方

黃芩一兩 當歸 芍藥 乾地黄 人參各二兩

甘草 芍藥各三兩 生薑六兩 麥門冬一升 五味子

二病源作是裡變膜脊筋以養其氣

大府仁各五合

大棗二十枚

右十二味以水七升清酒五升煮取三升半分四服日三夜一七日復服一劑

妊娠六月始受金精以成其筋身欲微勞無得靜處出遊於野數觀走犬及視走馬食宜鷄鳥猛獸之肉是謂變膜理筋以養其力以堅背脊

妊娠六月足陽明脈養不可針灸其經足陽明內屬於胃主其口自六月之時兒口自皆成調五味食甘美無大飽

妊娠六月卒有所動不安寒熱往來腹內脹滿身體腫驚怖忽有所下腹痛如欲產手足煩疼宜服

麥門冬湯方

麥門冬升一

阿膠四兩

人參

甘草

黃芩各二兩

乾地黄三兩

生薑六兩

大棗十五枚

右八味以水七升煮減半內清酒二升并膠煎取三升分三服中間進糜粥一方用烏雌雞一隻煮水以煎藥

柴胡湯若曾傷六月胎者當預服此方

柴胡四兩

茯苓兩一

白朮

芍藥一作紫葢 甘草

麥門冬

芍藥各二兩

生薑六兩

乾地黄五兩

大棗三十枚

右十味以水一斗煮取三升分四服日三夜一中間進糜粥勿食生冷及堅硬之物七日更服一劑

外氣下有此後三字去至

妊娠七月始受木精以成其骨勞身搖肢無使定止動作屈伸以運血氣居處必燥飲食避寒常食稻粳以密膝理是謂養骨而堅齒

妊娠七月手太陰脉養不可針灸其經手太陰內屬於肺主皮毛七月之時兒皮毛已成無木言無號哭無薄衣無洗浴無寒飲

妊娠七月忽驚恐搖動腹痛卒有所下手足厥冷脉若微寒煩熱腹滿短氣常苦頸項及腰背強

葱白湯主之方

葱白長三四寸

半夏

麥門冬各一升 旋復花二合

元微作傷

一已作以

元正外二兩作三兩

元外大至漬作青

外升作兩三作五

黃芩 兩一

人參 兩一

甘草 兩一

當歸 兩一

黃耆 各三

阿膠 兩四

生薑 兩八

右十一味咬咀以水八升煮減半內清酒三升及膠煎取四升每服一升日三夜一温卧當汗出若不出者加麻黃一兩煮服如前法若秋後勿強漬汗一方以黃雌雞一隻割咽取血內酒中煮雞取汁以煎藥

杏仁湯若魯傷七月胎者當預服此方

杏仁

甘草 各二

紫苑 兩一

鍾乳 兩一

乾薑 各三

麥門冬

吳茱萸 升一 粳米 合五

五味子 合三

右九味咬咀以水八升煮取三升半分四服日三夜一中間

外腸下百量用三字

大起未詳其大便  
孟通持大起可解  
元正無下有胎

外作目視注而下百目

進食七日服一劑方用白雞一隻煮汁煎藥

妊娠八月始受土精以成膚革和心靜息無使氣極是謂密腠理而光澤顏色

妊娠八月手陽明脉養不可針灸其經手陽明內屬於大腸主九竅八月之時兒九竅皆成無食燥物無輒失食無忍大起妊娠八月中風寒有所犯觸身體盡痛作寒作熱動不安常苦頭眩痛繞臍下寒時時小便白如米汁或青或黃或使寒慄腰背苦冷而痛目眈眈

芍藥湯主之方

芍藥 兩四

生薑 兩四

厚朴 兩二

甘草 兩一

當歸 兩一

白朮兩外

人參兩各三 薤白升切一

右八味咬咀以水五升清酒四升合煮取三升分作三服日

再夜一方用烏雌雞煮汁以前藥

葵子湯若魯傷八月胎者當預服此方

葵子升二升

甘草兩各二

厚朴兩各二 白朮

柴胡兩各三

芍藥兩四

生薑兩六

大棗二十枚

右八味咬咀以水九升煮取三升分三服日三九十日一劑

一方用烏雌雞一隻煮水以前藥

妊娠九月始受石精以成反毛六腑百節莫不畢備飲醴食其

養帶自持而待之是謂養毛髮致才力

妊娠九月足少陰脉養不可針灸其經足少陰內屬於腎腎主  
續縷九月之時兒脉續縷皆成無處濕冷無著灸衣  
妊娠九月若卒得下痢腹滿懸急胎上衝心腰背痛不可轉側  
短氣

半夏湯方

半夏兩三

麥門冬立各外

吳茱萸

當歸

阿膠各一兩

乾薑兩一

大棗十二枚

右七味咬咀以水九升煮取三升去滓內白蜜八合微火上  
溫服四服痢即止一方用烏雌雞一隻煮汁前藥  
猪腎湯若魯傷九月胎者當預服此方

痛源皆作威

五臟皆胎也胎以十  
三采可考

猪腎具一 茯苓 桑寄生 乾薑 乾地黄  
 芎藭各三 白朮四 附子中者一枚 大荳三合 麥門冬一升  
 右十味以水一斗煮腎令熟去腎內諸藥煎取三升半  
 分四服日三夜一凡十日更一劑  
 妊娠十月五臟俱備六腑齊通納天地氣於丹田故使關節人  
 神皆備但俟時而生  
 妊娠一月始胎二月始膏三月始胞四月形體成五月能動六  
 月筋骨立七月毛髮生八月臟腑具九月穀氣入胃十月諸神  
 備日滿即產矣宜服滑胎藥入月即服  
 丹參膏養胎臨月服令滑而易產方

瘦字與水調粉麵也  
私化內則為粉粉極  
以為配

丹參 芎藭 當歸各二 蜀椒五合有熟者以  
 右四味以咀以清酒溲濕停一宿以成煎猪膏四升微火煎  
 膏色赤如血膏成新布絞去滓每日取棗許內酒中服之不  
 可逆服至臨月乃可服舊用常驗  
 甘草散令易生母無疾病未生一月日預服過二十日行步動  
 作如故兒生墮地皆不自覺方  
 甘草一兩 黃芩一兩 乾薑 吳茱萸 大豆黃卷  
 麻子仁 桂心 大麥蘗各三兩用梗米  
 右八味治下篩酒服方寸匕日三暖水服亦得  
 千金圓主養胎治產難顛倒胞不出服一丸傷毀不下產餘病

千金方

卷二

三

竹葉



汗不出煩滿不止氣逆滿以酒服一名保生丸

甘草 貝母 秦椒 大豆黃卷 乾薑

桂心 黃芩 粳米一作糯米 石斛 石膏各六銖

當歸十二銖 麻子三合

右十二味為末蜜和丸如彈子大每服一丸日三用棗湯下

一方用蒲黃下兩

蒸大黃圓治妊娠養胎合易產方

大黃二十銖 枳實 芎藭 白朮 杏仁各十銖

芍藥 乾薑 厚朴各十銖 吳茱萸一兩


右九味為末蜜丸如梧桐子大空腹酒下十九日三不知稍

加之  
滑胎合易產方

阿膠八兩 滑石三兩 車前子一升

右三味治下篩飲服方寸匕日再至生月乃服藥利九竅不可先服

孫真人備急千金要方卷之二



孫真人備急千金要方卷之三

婦人方

妊娠諸病第四方

第一胎動及數墮胎方

治妊娠二三月上至六九月胎動不安腰痛已有所見方

艾葉

阿膠

芎藭肘後不用

當歸各三兩甘草二兩

右五味以水八升者取三升去滓內膠令消分三服日三

治妊娠胎動去血腰痛方

阿膠兩

芎藭兩

當歸兩

青竹茹各五兩

滋急四味各三兩

驗集

右四味以水一斗半煮銀一斤取六升去銀內藥煎取二升  
半肉膠令烱分三服不瘥重作一方用甘草二兩  
葱白湯治妊娠胎動不安腹痛方

葱白切一升

阿膠二兩

當歸

續斷

煖子宮治腰疼胎漏

芎藭各二兩

右五味以水一斗先煮銀六七兩取七升去銀內藥煎  
取二升半下膠令烱分三服不瘥重作

治妊娠胎動晝夜叫呼口噤唇塞及下重刺不息方

艾葉以咀以好酒五升者取四升去滓更煎取一升服

口閉者格口灌之藥下即瘥亦治妊娠腰痛及妊娠熱

元心方引集驗  
字作寒

驗集

品小

病并妊娠卒下血  
旋復花湯治妊娠六七月胎不安常服之方

旋復花兩

半夏

芍藥

生薑各二兩

枳實

厚朴

白朮

黃芩

茯苓各三兩

右九味以咀以水一斗者取二升半分五服日二夜三先食

服

治妊娠數墮胎方

取赤小豆為末酒服方寸匕日二亦治妊娠數月月水尚來

者

外如作不止  
便作子

又方妊娠三月灸膝下一寸七壯

第二漏胞方

治妊娠下血如故名曰漏胞胞乾便死方

生地黄半斤咬咀以清酒三升煮三沸絞去滓服之無時能

多服佳姚大夫加黃雌雞一頭治如  
食法崔氏取雞血和藥中服

治妊娠血下不止名曰漏胞血盡子死方

乾地黄搗末以三指撮許酒服不過三服瘥

又方生地黄汁一升清酒四合合煮三四沸頓服不止頓服

又方

乾薑二兩  
乾地黄四兩

氏崔 上同 驗集

右二味治下篩以酒服方寸七日再三服

第三子煩方

竹瀝湯治妊娠常苦煩悶此是子煩

竹瀝升一兩外 麥門冬 防風 黃芩各三兩

茯苓兩四

右五味以水四升合竹瀝煮取二升分三服不瘥再作

又方時時服竹瀝隨多少取瘥止

第四心腹腰痛及脹滿方

治妊娠心痛方

青竹皮一升以酒二升煮三兩沸頓服

外下并下石半

元正服下有之

右方作腹食下外

又方破生雞子一枚酒和服之  
又方

白蜜三兩

羊脂八兩

青竹茹一升

右三味合煎食頃服如棗核大三枚日三

又方蜜一升和井底泥泥心下

又方燒棗二十七枚為末尿服之立愈

治妊娠腹中痛方

生地黄三斤搗絞取汁用清酒一升合煎減半頓服

又方燒車釭脂內酒中服亦治妊娠欬嗽并產難三日不出

又方取蜜一升頓服良

紅音公車較中鉄

治妊娠腹中滿痛又心不得飲食方

黃芩三兩

芍藥四兩

白木六兩

右三味以水六升煮取三升分三服半日合藥盡微下

水合易生月飲一劑為善也元正

治妊娠忽苦心腹痛方

燒鹽令赤熟三指撮許酒服之立產

治妊娠傷胎結血心腹痛方

取小兒尿二升頓服之立瘥大良

治妊娠中惡心腹痛方

新生雞子一枚破著杯中以糯米粉和如粥頓服亦治妊娠

元正作此正同

元正卒下有胎

別解也

卒動不安或但腰痛或胎轉捨心或下血不止

又方水三升洗夫靴剔汁温服

治妊娠中蠱心腹痛方

燒敗鼓皮酒服方寸匕須臾自呼蠱主姓名

治妊娠腰痛方

大豆二升以酒三升煮取二升頓服之亦治常人卒腰痛者

又方麻子三升以水五升煮取汁三升分五服亦治心痛

又方

豉二兩 榆白皮五兩

右二味熟搗蜜丸如梧桐子大服二七丸亦治心痛

元外榆白作稿

正七作十

元煎下有分

又方燒牛屎焦末水服方寸匕日三服

又方地黄汁八合酒五合合煎温服

治妊娠脹滿方

取秤錘燒之淬酒中服良亦治妊娠卒下血

第五傷寒方

治妊娠傷寒頭痛壯熱肢節煩疼方

石膏八兩 大青 黄芩各三兩 葱白切一

前胡 知母 梔子仁各四兩

右七味咬咀以水七升煮取二升半去滓分五服相去如人行七八里久再服

活人名前胡七物湯

梅三十二卷傷寒門  
有凝雪湯乃獨方  
考  
字典獨指指指  
用昌也其世

活人名葱白湯  
寒下有增定  
世字其其行  
八字

治妊娠頭痛壯熱心煩嘔吐不下食方

知母四兩

粳米五合

生蘆根一升

青竹茹三兩

右四味以水五升煮取二升半稍稍飲之盡更作瘥止

治妊娠傷寒服湯後頭痛壯熱不歇宜用此湯拭其身

麻黃半斤

竹葉切一升

石膏三升

右三味以水五升煮取一升去滓冷用拭身體又以故布揅

頭額胃心燥則易之患瘡者加栝山五兩

治妊娠傷寒方

葱白十莖

生薑二兩切

右二味以水三升煮取一升半頓服取汗

治妊娠中風寒熱腹中絞痛不可針灸方

鯽魚一頭燒作灰擣末酒服方寸匕取汗

治妊娠遭時疾令子不落方

取竈中黃土水和塗臍乾復塗之一方酒和塗方五寸又泔

清和塗之並佳

又方大尿泥塗臍勿令乾

治妊娠熱病方

葱白五兩

豆豉一升

右二味以水六升煮取二升分三服取汗

又方葱白一把以水三升煮令熟服之取汗食葱令薑亦主安

活人名葱白煎湯

活人名葱白一湯

元正尿作屏

活人名葛根一物湯

胎着胎已死者須臾即出

又方車轄脂酒服大良

又方井底泥泥心下三寸立愈

又方青全尿塗腹上

又方水服伏龍肝一雞子大

治太熱煩悶者方

葛根汁二升分三服如人行五里又進一服

又方燒大棗七枚為末酒和服

又方槐實燒灰取方寸七酒和服

第六瘡病方

治妊娠患瘡湯方

恒山 兩二

甘草 兩一

黃芩 兩三

烏梅 十四枚

石膏 兩八

右五味咬咀以酒水各一升半合清藥一宿煮三四沸去滓

初服六合次服四合後服二合凡三服

又方

恒山

竹葉 各三兩

石膏 兩八

粳米

一伯粒雀氏外莖作糯米

集驗救急  
作秫米

右四味咬咀以水六升煮取二升半去滓分三服第一服取未發前一食頃服之第二服取臨欲發服之餘一服用以塗

驗集



頭額及胃前五心藥滓置頭邊當一日勿近水及進飲食過發後乃進粥食

第七下血方

治妊娠忽暴下血數升胎燥不動方

榆白皮利數下右形帶物兩

當歸

生薑各二兩

乾地黄兩四

葵子一升肘後不用

右五味以水五升煮取二升半分三服不瘥更作服之

馬通湯治妊娠卒驚奔走或從高墮下暴出血數升方

馬通汁一升

乾地黄

阿膠各四兩

當歸

艾葉各三兩

右五味咬咀以水五升煮取二升半去滓內馬通汁及膠合烱分三服不瘥重作

膠艾湯治妊娠二三月上至七八月其人頓仆失踞胎動不下傷損腰腹痛欲死若有所見及胎奔上搶心短氣方

艾葉三兩

阿膠

芍藥

芍藥

甘草

當歸各二兩

乾地黄兩四

右七味咬咀以水五升好酒三升合煮取三升去滓內膠更

上火令盡消分三服日三不瘥更作

治妊娠卒下血方

葵子一升以水五升煮取二升分三服瘥止

又方生地黄切一升以酒五升煮取三升分三服亦治落身後血  
又方取葵根莖燒作灰以酒服方寸七日  
雙爪湯治妊娠僵仆失據胎動轉上搶心甚者血從口出逆不得息或注上下血一斗五升胎不出子死則寒入腹中急如產狀虛之少氣困頓欲死煩悶反覆服藥母得即安下血亦止其當產者立生方

雙爪

甘草

桂心各二

阿膠二

右四味以東流水一斗煮取三升去滓內膠煇盡能為一服佳不能者食頃再服若口急不能飲者格口灌之藥下便活也與母俱生若胎已死獨母活也若不僵仆平安妊娠

古今縣版作人虛里

醫方性妊脈得  
和病五六日小便  
不利至入至藏方

無有所見下血服此湯即止或云桂不安胎亦未必爾  
治妊娠胎墮下血不止方

丹參十二兩以清酒五升煮取三升分三服温日三

又方地黃汁和代赭為末服方寸七

又方桑蠟蟲屎燒灰酒服方寸七

香豉湯治半產下血不盡苦來去煩滿欲死方

香豉一升半以水三升煮三沸漉去滓內成末鹿角一方寸

七頓服之須更血自下鹿角燒亦得

第八小便病方 多法

治妊娠小便不利方

千金方

卷之二

九

李香七

得効方名冬葵子  
黃至區名葵子花  
老故

葵子升一

榆白皮一把切

右二味以水五升煮五沸每服一升日三

又方

葵子

茯苓各一兩

右二味為末以水服方寸七日小便不利即頭眩惡寒起即頭眩小便利則止仲景云妊娠有水氣身重

治妊娠小便不通利方

治妊娠患子淋方

葵子一升以水三升煮取二升分再服

又方葵根一把以水三升煮取一升分再服

治妊娠小便不通利方

外乘據作冬葵子  
注云千金乘莖

蕪菁子七合為末水和服方寸七日二六六

治妊娠尿血方

黍穰燒灰酒服方寸七日三

治婦人無故尿血方

龍骨五兩治下篩酒服方寸七空腹服日三父者二十服愈

又方

瓜甲

亂髮

右二味並燒末等分酒服方寸七日三飲服亦得

又方

桂心

鹿角屑

大豆黃卷各一兩

右三味治下篩酒服方寸七日三黃卷各一  
又方取夫瓜甲燒作灰酒服之  
又方取故船上竹茹曝乾搗末酒服方寸七日三亦主遺尿  
治婦人遺尿不知出時方

白薇 芍藥各一兩

右二味治下篩酒服方寸七日三

又方

礬石 牡蠣各二兩

右二味治下篩酒服方寸七亦治丈夫

又方胡鷺窠中草燒末酒服半錢七亦治丈夫

驗集

又方燒遺尿人薦草灰服之瘡  
又方灸橫骨當陰門七壯

第九下痢方灸法

治姪娘下痢方

人參三兩 黃芩三兩

酸石榴皮三兩

檉皮四兩

粳米三合

右五味咬咀以水七升煮取二升半分三服

又方白楊皮一斤咬咀以水一大升煮取二小升分三服

又方燒中衣帶三寸為末服之

又方羊脂如碁子大十枚溫酒一升投中頓服之日三

大至良方作堆娘是  
痢膿血狀如魚鱗小  
腹絞痛難忍  
唐曾殿作產室二卷

治姪娘患膿血赤滯魚腦白滯臍腹絞痛不可忍著方

薤白升切一  
酸石榴皮各三兩產實作黃連  
阿膠兩二  
地榆兩四  
黃蘗各三兩產實作黃連

右五味以水七升煮取二升半分三服不瘥更作  
治姪娘注下不止方

阿膠  
艾葉  
酸石榴皮各二兩

右三味以水七升煮取二升去滓內膠合烱分三服  
治姪娘及產已寒熱下痢方

黃連升一  
黃蘗斤一  
梔子三十枚

右三味以水五升漬一宿煮三沸服一升一日一夜令

正升作斤

畫嘔者加橘皮一兩生薑二兩亦治丈夫常痢

治婦人欲痢輒先心痛腹脹滿日夜五六十行方

石榴皮兩各八  
麴兩各八  
黃蘗一作麥蘗  
烏梅  
黃連兩各一升外  
防已兩二  
阿膠

右十味為末蜜和丸如梧子大飲服二十九日漸加至三

十四十九

治婦人水洩痢方

灸氣海百壯三報

第十水腫方

治妊娠體腫有水氣心腹急滿湯方

茯苓

白朮

各四兩

黃芩

杏仁各三兩

旋復花一兩

外至五兩方

右五味咀咀以水六升煮取二升半分作三服

鯉魚湯治妊娠腹大胎間有水氣方

鯉魚一頭斤二

白朮

生薑各五兩

芍藥

當歸各三兩

茯苓四兩

右六味咀咀以水一斗二升先煮魚熟澄清取八升內藥煎

取三升分五服

治妊娠毒腫方

榛音秦牛名本草

云北方曰榛小茨水牛

外至引耳驗

蕪菁根淨洗去皮搗酢和如薄泥勿令有汁猛火煮二三沸適性薄腫以帛急裹之日再易寒時溫覆非根時用子若腫在咽中取汁含咽之

又方燒榛牛屎酢和傳之乾則易亦可服方寸七日三

治妊娠手脚皆腫變急方

赤小豆升五

商陸根一斤切

右二味以水三斗煮取一斗稍稍飲之盡更作一方加澤漆一斤

產難第五論方

論曰產婦雖是穢惡然將痛之時及未產已產並不得令死喪

此係外經引雀氏

反支月

外產之月年十三行  
羊在庚申反支月  
在正月七月餘餘三  
抄反支月見後漢光  
武紀及潛夫論

元三倒

外出作生始作胎地  
下有即急取最惡  
物

污穢家人來視之則生難若已產者則傷兒也  
婦人產乳忌反支月若值此月當在牛皮上若灰上勿冷水血  
惡物著物則殺人及浣濯衣水皆以器盛過此忌月乃止  
凡生產不依產圖脫有犯觸於後母子皆死若不至死即母子  
俱病庶事皆不稱心若能依圖無所犯觸母即無病子亦易養  
凡欲產時特忌多人瞻視惟得二三人在傍待總產訖乃可告  
語諸人也若人眾看視無不難產  
凡產婦第一不得忽忽忙怕傍人極須穩審皆不得預緩預急  
及憂悒憂悒則難產若腹痛眼中火生此兒迴轉未即生也兒  
出訖一切人及母皆忌問是男是女兒始落地與新汲井水五

外咽作人區二字

外慎下有並字

七修類稿曰今臨產  
曰坐草起自晉世按  
陳仲子與氏有在  
草不起子元仲唐作  
盪者回車治之

咽忌與暖湯物勿令母看視穢汚  
凡產婦慎食熱藥熱麪食常識此飲食當如人肌溫溫也  
凡欲臨產時必先脫尋常所著衣以籠竈頭及竈口令至密即  
易產也  
凡產難及子死腹中并逆生與胞胎不出諸篇方可通檢用之  
治產難或半生或胎不下或子死腹中或著脊及坐草數日不  
產血氣上搶心母面無顏色氣欲絕者方  
醇酒二升 白蜜一元五 成煎猪膏一正升  
右三味合煎取二升分再服不能再服可隨所能服之治產  
後惡血不除上搶心痛煩急者以地黄汁代醇酒

治難產方

槐枝升切二 榆白皮切 大麻仁各一 瞿麥

右六味以水一斗二升煮取三升半分五服

又方吞皂莢子二枚

又方取廁前已用草二十七枚燒作屑水調而服之

又方冷天唾婦口中二十七過立出

又方針兩肩井入一寸寫之須臾即分免

治產難二百不出方

取鼠頭燒作屑并花水服方寸七日三

急救 廣濟

廣濟下百方

元正得作能

呂小

又方車軸脂吞太壹許兩丸

又方燒藥杵合赤內酒中飲之

又方燒木力鑲以酒一杯沃之頓服即出救死不分免者

治產難累日氣力乏盡不得生此是宿有病者方

阿膠二兩 赤小豆二升

右二味以水九升煮豆令熟去滓肉膠令烊每服五合不覺

更服不過三服即出

又方

槐子十四枚 蒲黃一合

右二味合內酒中溫服須臾不生再服之水服亦得

新連二百九十七个

廣濟

新連吉



生薑汁

生地黄汁各半升

右二味合煎熟頓服之

治產難及日月未足欲產者方

知母一兩為末蜜丸如兔屎大每服一丸痛不止更一丸

羚羊角散治產後心悶是血氣上衝心所致羚羊角一枚燒作

灰下篩以東流水服方寸匕若未瘥須更再服取悶瘥乃止

又方殺羊角燒作灰以溫酒服方寸匕不瘥須更再進備急方以治產

治產乳運絕方

半夏一兩搗篩丸如大豆內鼻孔中即愈此是痛鵠法

元氣殺  
秘備急難產酒急  
服

今所理血單是也  
本草上方扁公散是也

元氣作瘥

又方神麴末水服方寸匕亦治產難

又方赤小豆搗為散取東流水服方寸匕不瘥更服

又方含醢醋噀面即愈凡悶即噀之

又方取醢醋和產血如棗許犬服之

治心悶方

產後心悶眼不得開即當頂上取髮如兩指大強以人牽之

眼即開

子死腹中第六方論

論曰凡婦人產難死生之候母面赤舌青者兒死母活母唇口青口兩邊沫出者母子俱死母面青舌赤口中沫出者母死子

此論病源載之外  
筆引崔氏

活

治動胎及產難子死腹中并妊娠兩兒一死一生服之命死者  
出生者安神驗方

蟹爪升一

甘草二

阿膠三

右三味以東流水一斗先煮蟹爪甘草得三升去滓次內膠

令烺頓服之不能分再服若人困拗口內藥藥以即活煎藥

作東向竈用葦薪煮之

真珠湯治胎死腹中方

熟真珠兩一

榆白皮升一

右二味以苦酒二升者取一升頓服之死胎立出

治子死腹中不出方

以牛屎塗母腹上立出

又方取竈下黃土三指撮以酒服之立出土當著兒頭上亦治

逆生及橫生不出手足先見者

又方服水銀三兩立出

又方取夫尿二升煮令沸飲之

又方酢二升拗口開灌之

又方吞槐子二十七枚亦治逆生

又方三家雞卵各一枚三家鹽各一撮三家水各一升合煮冷

產婦東向飲之立出

又方瞿麥一斤以水八升煮取二升一服一升不出再服

治胎死腹中乾燥著背方

葵子升一 阿膠兩五

右二味以水五升煮取二升頓服之未出再煮服

治妊娠未足月而胎卒死不出其母欲死方

以苦酒濃煮大豆每服一升死胎立出不能頓服分再服

一方用醇酒煮大豆亦治積聚成瘕

治妊娠胎死腹中若子生胞衣不出腹中引腰背痛方

甘草尺一 筒桂寸四 雞子一枚 蒲黃合二

香豉二升

筒桂 本草桂集解

氏崔

氏崔

元正五味子无

以下去胎方

西晉院偶字漁如宜至河内大守国史經籍志有院河南方十六卷

小品神作法不用醋

摩、烟三

右五味以水六升煮取一升頓服之胎胞穢惡盡去大良

治妊娠得病須去胎方

以雞子一枚鹽三指撮和服立下此與阮河南療難產相同

又方麥蘖一升為末和蜜一升服之立下

又方七月七日神麴三升酢一升煮兩沸宿不食平旦頓服之

即下

又方大麥麴五升酒一斗煮三沸去滓分五服命盡當宿勿食其子如糜冷母肥盛無疾苦千金不傳

逆生第七方論

論曰凡產難或兒橫生側生或手足先出可以針錐刺兒手足

入一二分許兒得痛驚轉即縮自當迴順也

治逆生方

以鹽塗兒足底又可急爪搔之并以鹽摩產婦腹上即愈

又方以鹽和粉塗兒足下即順

子母秘錄云以鹽和胡粉

又方取梁上塵如彈丸許一枚治末三指撮温酒服之

治逆生及橫生不出手足先見者方

燒蛇蛻皮為末服一斗圭亦云三指撮面向東酒服即順

又方取蟬殼二枚治為末三指撮許温酒服之崔氏外臺子母秘錄作彈丸二

枚為末酒服

又方取夫陰毛二七莖燒以猪膏和丸如大豆吞之兒手即持

小品作彈丸二枚持末三指撮温酒服

品小

驗集

生

九出神驗

又方取蛇蛻皮燒灰猪膏和丸東向服

又方以手中指取釜底墨交畫兒足下即便順生

又方取父名書兒足下即順生

治橫生及足先出者方

取梁上塵竈突墨酒服之

又方取車轄中脂書兒足下及掌中

治縱橫生不可出者方

菟絲子末酒若米泔服方寸匕即生車前子亦好服如上法

又方以水苦酒服竈突墨塵

元便无

藥剛

仲文

元輕作缸足作脚

必効方分量  
不同

治產時子但趨穀道者方  
熬鹽熨之自止

胞胎不出第八方

牛膝湯治產兒胞衣不出命胞爛方

牛膝

瞿麥各一兩

當歸

通草各一兩半

滑石

桂心二兩

葵子半升

右六味咬咀以水九升煮取三升分三服

治產難胞衣不出橫倒者及兒死腹中母氣欲絕方

半夏二兩

白斂二兩

右二味治下篩服方寸匕產難一服橫生二服倒生三服兒

元正作小

効必

死四服亦可加代赭瞿麥各二兩為佳

治胎死腹中若母病欲下之方

取榆白皮細切煮汁三升服之即下難生者亦佳

又方生地黄汁一升苦酒二合令暖服之不能頓服分再服亦

得

又方

牛膝三兩

葵子一升

右二味以水七升煮取三升分三服

又方

澤蘭葉三兩

滑石五合

生麻油二合

効必

千金方

卷三

三

徐盛

右三味以水一升半者澤蘭取七合去滓內滑石麻油頓服

治胞衣不出方

取小麥合小豆煮令濃飲其汁立出亦治橫逆生者

又方取瓜瓣二七枚服之立出良

又方取水煮弓弩弦飲五合即出亦可燒灰酒和服

又方取宅中所埋柱掘出取坎底當柱下土大如雞子酒和服

之良

又方墨三寸為末酒服

又方取蒲黃如棗許以井花水服

清廣 郊心

又方苦酒服真珠一两

又方雞子一枚苦酒一合和飲之

又方生男吞小豆七枚生女者十四枚即出

治逆生胎不出方

竈上墨以酒煮一两沸取汁服

治產後胞不時出方

井底土如雞子中黃以井花水和服立出

又方取井中黃土丸如梧桐子吞之立出又治兒不出

治子死腹中若衣不出欲上搶心方

急取蟻蛭土三升熬令熱囊心下令胎不得上搶心良

元上右星

証類彙作

廣濟不用苦酒

廣濟內作草

元板單作蔽母十敏  
步敏後方言傳理  
之敏再母集韻單  
筆蓋單後同物

千金方

卷五

三

又方末竈中墨二指撮許以水苦酒調服立出當黃兒頭生  
又方取夫內衣蓋并上立出  
又方取炊篋當方前燒服之

下乳第九方

鍾乳湯治婦人乳無汁方

石鍾乳

消石一方用

白石脂各六

通草十二

桔梗牛兩切

右五味以水五升煮三沸于上三下去滓內消石合燉

分服

又方

外名通草湯

外名通草湯  
外至通草作通草  
秋上有百日異方  
心下有白字黃下  
有者字為正文  
羊柳末綱十八卷

石鍾乳

通草各等

右二味為末粥飲服方寸七日三後可無養兩兒通草橫心  
黃無益一方二味酒五升漬一宿明旦煮沸去滓服一升  
日三夏冷服冬溫服

又方

石鍾乳四兩

甘草二兩一方元无

漏蘆三兩

通草

括婁根五兩

右五味以水一斗煮取三升分三服一云用括婁實一枚

又方

石鍾乳

通草各一兩

漏蘆半兩

桂心

千金方

卷五

三

熊

甘草

栝蒌根各六銖

右六味治下篩酒服方寸七日三最驗

又方

石鍾乳

漏蘆各二兩

右二味治下篩飲服方寸七即下

漏蘆湯治同前

漏蘆

通草各二兩

石鍾乳一兩

黍米一升

右四味以咀米宿漬搗取汁二升煮藥二沸去滓作飲飲之日三

漏蘆散治同前

正散作湯

搗搗也連打也外聖作研字咀下有將字

漏蘆半兩

石鍾乳

栝蒌根各一兩

蟾蜍合

右四味治下篩先食糖水服方寸七日三

單行石膏湯治同前

石膏四兩研以水二升煮二沸稍稍服一日令盡

麥門冬散治同前

麥門冬

通草

理石

石鍾乳

右四味各等分治下篩先食酒服方寸七日三

又方

麥門冬

通草

理石

石鍾乳

外台作方一兩作合五分  
外台後作砂糖水



木瓜根

大棗

蟾蜍

右七味等分治下篩食畢用酒服方寸七日三

又方母猪蹄一具粗切以水二斗熟煮得五六升汁飲之不出

更作

又方

猪蹄

二枚熟炙搗碎

通草

八兩細切

右二味以清酒一斗浸之稍稍飲盡不出更作外臺猪蹄不

煮取四升入酒四升更煮飲之

又方栝蒌根切一升酒四升煮三沸去滓分三服

又方

栝蒌根

漏蘆

各三兩

石鍾乳

兩

白頭翁

兩

滑石

通草

各三兩

右六味治下篩以酒服方寸七日三

又方取栝蒌子尚青色大者一枚熟搗以白酒一斗煮取四升

去滓温服一升日三黃色小者用二枚亦好

又方土瓜根治下篩服半錢七日三乃乳如流水

單行鬼箭湯治同前

鬼箭五兩以水六升煮取四升每服八合日三亦可燒作灰

水服方寸七日三

甘草散治同前

外臺有酒字  
元正無乃字

聖方散作敗

甘草兩  
通草三十  
石鍾乳二十  
雲母二兩

屋上散草二把燒

右五味治下餘食後温漏蘆湯服方寸七日乳下止

又方燒死鼠作屑酒服方寸七日立下勿令知

又方燒鯉魚頭為末酒服二指撮


鯽魚湯下乳汁方

鯽魚長七 猪肪斤半 漏蘆 石鍾乳各八

右四味切猪肪魚不須洗治清酒斗升合者魚熟藥成絞去

滓適寒温分五服其間相去須臾飲藥方相為佳乳即下

孫真人備急千金要方卷之三 丙辰秋八月 大戶孟適



書  
中  
記  
二  
五

